

Խ. Տարսեղյան

«ՊԱՅՔԱՐ» ԹԵՐԹԻ ԴԵՐԸ ԲՈԼՇԵՎԻԿՅԱՆ ՀԱՅ ՊԱՐԲԵՐԱԿԱՆ
ՄԱՍՈՒԼԻ ՊԱՏՄՈՒԹՅԱՆ ՄԵՋ

1915 թվականին շարունակվում էր առաջին համաշխարհային պատերազմը: Գնալով այդ սպանող ավերի մեծ թվով մարդկային կյանքեր էր խլում: Հայ բուրժուա-նացիոնալիստական տարրերը՝ դաշնակները, «սպեցիֆիկները» և նրանց դեղին մամուլը թունավորում էին բանվորների և գյուղացիների գիտակցությունը: «Հորիզոն»-ն ու «Մշակ»-ը իրենց թթու նացիոնալիստական հոգվածներով քիչ բացասական դեր չէին կատարում:

Ահա այս պայմաններում էր, որ Անդրկովկասի հայ բոլշևիկները 1915 թվականի աշնանից ձեռնամուխ եղան բանվորական հայերեն թերթի հիմնադրմանը: Բոլշևիկների այդ նախաձեռնությունը ջերմ պաշտպանություն գտավ բանվորների և գյուղացիների շրջանում:

Նույն թվականի դեկտեմբերի 6-ին (19-ին) Թիֆլիսում լույս է տեսնում «Պայքար» զրական, հասարակական, քաղաքական և տնտեսական շաբաթաթերթի առաջին համարը: «Պայքար»-ը կոչված էր հայ աշխատավորությանը պատիարակել պրոլետարական ինտերնացիոնալիզմի գաղափարներով, պաշտպանել բոլշևիկյան պարտիայի տակտիկան ու ստրատեգիան՝ պատերազմում, մերկացնել հայ բուրժուա-նացիոնալիստական տարրերի, հատկապես դաշնակների դավաճանական քաղաքականությունն ու մեքենայությունները: Թերթի խմբագրական կազմի մեջ մտնում էին բոլշևիկներ Աս. Մոավյանը և Ս. Խանոյանը: Մինչև 1917 թվականի հունիսի 10-ը «Պայքար»-ի աշխատանքներին ակտիվ մասնակցություն ունեին բոլշևիկները, այդ թվում Ստ. Շահումյանը, Ա. Միկոյանը, Արսեն Ամիրջանը, Արտաշես Կարինյանը, Մելիք Մելիքյանցը, Հակոբ Հակոբյանը, Հակոբ Կամարին, Ազատ Վշտունին, Սիմակը, բանվոր Գալստաջը, Հովհ. Պողոսյանը և ուրիշներ: Թերթի խմբագիր-հրատարակիչը «Պայքար»-ի միակ զրաշար Հովհաննես Սարգսյանն էր (Վանո):

Նախառնություն ցուցին բոլշևիկյան հայ պարբերական մամուլի մեջ «Պայքար»-ը համեմատաբար երկար կյանք ունեցավ և ավերի լայն էր նրա կապը ընթերցողների հետ: Թիֆլիսից, Բաքուից, Գանձակից (Կիրովաբադ), Սուխումից, Քուբայիսից, Երևանից, Ալեքսանդրապոլից, Սարիղամիշից, Կարսից և Հայաստանի տարբեր վայրերից բանվորներն ու գյուղացիները նվիրատվություններ էին ուղարկում «Պայքար»-ի ֆոնդին, թղթակցում նրան, անկեղծորեն պատմում իրենց հուզող հարցերի մասին: Շատ հաճախ նվերներ էին ստացվում նաև վրացի բանվորներից և գյուղացիներից, որոնք դրանով իսկ իրենց համերաշխությունն էին արտահայտում հայ ժողովրդի նկատմամբ:

1915 թվականին լույս տեսավ «Պայքար»-ի շրջ համար, 1916 թվականին՝ հիսուն հինգ, իսկ 1917 թվականին, մինչև հունիսի 10-ը՝ քառասուն մեկ, Այսպիսով, 18 ամսվա ընթացքում հրատարակվեց «Պայքար»-ի 100 համար:

Թերթի առաջին համարը բացվում է «Հայերը և հարևան ազգերը» առաջնորդող հուլիսի 1-ին համարում հրապարակված էր Մաքսիմ Գորկու «Մրրկակահավի երգը», Հակոբ Հակոբյանի՝ «Պահակ», Գուրգեն Հակոբյանի՝ «Արշալույսի երգ», Ազատ Վշտունու «Աշնան երգերեն» բանաստեղծությունները, Արագու «Կարմիր համբույրը» պատմվածքը, Ս. Խանոյանի «Կովկասյան զեմստովոյի առթիվ» հոդվածը, Աս. Մուսկյանի՝ «Աշխեն Արովյան» մահախոսականը և այլ նյութեր: «Պայքար»-ի շատ ու շատ նյութեր, ինչպես նշեցինք, նվիրված էին պատերազմի վերաբերյալ բուլղարական պարտիայի ստրատեգիայի և տակտիկայի պաշտպանությանը:

«Պայքար»-ը նախնական շրջանում հալածանքների էր ենթարկվում ցարական գործակալների, հատկապես գրաքննիչների կողմից, բազմաթիվ հոդվածներ իրենց ռեդուկցիոն բովանդակության պատճառով արգելվել են, իսկ առանձին հոդվածներ լույս են տեսել գրաքննության կողմից խիստ կրճատումներով: Այդ են վկայում թերթի այն էջերը, որտեղ նույնիսկ ամբողջական սյունակներ բաց են:

Այնուամենայնիվ, գրաքննության այդ ծանր պայմաններում անգամ «Պայքար»-ը կարողանում էր բոլոր հնարավորություններն օգտագործելով արտահայտել հակապատերազմական իր տրամադրությունները, մերկացնել պատերազմի իմպերիալիստական-թալանչիական բնույթը:

1915 թվականի դեկտեմբերի 13-ի համարում տպագրված «Պարսկաստանի ներկա դեպքերի շուրջը» առաջնորդող հոդվածում, թերթը նշել է, որ պատերազմի բախտը չի որոշվում մեկ կամ մի քանի ամիսներում, սպառնալիք ծովի նման ենթակա է մակընթացության և տեղատվության, որ ամեն սի քաղաքական պարտիա, եթե նա տարված չէ քաղաքական իլյուզիաներով, պետք է ձգտի ապահովել ժողովրդի ֆիզիկական գոյությունը, վերծ պահել նրան տնտեսական ավերումներից և մտածել նրա քաղաքական ազատագրման մասին: «Պայքար»-ը իր առաջնորդողներում, թղթակցություններում, տեղերից ստացած նամակներում արտահայտում էր հայ գիտակից բանվորության հակապատերազմական տրամադրությունները, մեծապես նպաստում նրա քաղաքական դաստիարակությանը: «Պայքար»-ի այն բաց սյուները, որոնց նյութերը հանվել են գրաքննիչի կողմից, առաջին հերթին պարունակել են հակացարական, հակապատերազմական տրամադրություններ և մերկացումներ:

* * *

«Պայքար»-ի գործունեության մեջ հատուկ տեղ է գրավում բուրժուական նացիոնալիզմի դեմ մղած պայքարը:

Մերկացնելով առաջին իմպերիալիստական պատերազմի թալանչիական բնույթը, թերթը հայ աշխատավորներին օգնում էր հավատարիմ մնալ պրոլետարական ինտերնացիոնալիզմի սկզբունքներին, երբեք չհավատալ բուրժուական նացիոնալիստների մեքենայություններին ու խաբեություններին: «Պայքար»-ում հրապարակված Ստ. Շահումյանի՝ «Ինտելիգենցիան և նացիոնալիզմը» (№ 48, 49, 1916 թ.), Անաստաս Միկոյանի՝ «Պ. Ահարոնյանը իր լուծյան մասին», «Վրաց նացիոնալիստները և դեմոկրատիան», «Ժամանակավոր կառավարությունը և դեմոկրատիան», «Բրեշկո Բրեշկովսկայան իմպերիալիստական բուրժուազիայի գաղափարախոս» (№ 47, 1916 թ. № 4 (59), 20 (75), 33 (88), 1917 թ.), Ա. Ամիրյանի՝ «Մեր մարքսիստանմանները» (№ 39 (43) 1916 թ.) և այլ

հողվածներում սպանիչ քննադատություն են ենթարկված բուրժուա-նացիոնալիստական պարտիաներն ու նրանց իդեոլոգները, հմտորեն շարադրված են պրոլետարական ինտերնացիոնալիզմի սկզբունքները: Պարզաբանելով, որ բուրժուական իդեոլոգիայի հատկանիշներից մեկը նացիոնալիզմն է, Ստ. Շահումյանը նշում է, որ նացիոնալիզմն ու իրերալիզմն անբաժանելի կերպով կապված են միմյանց հետ: Նացիոնալիզմն իմպերիալիզմի ժամանակաշրջանում հասնում է իր գագաթնակետին: «Նացիոնալիզմը նույնպես «իմամանենտ» է բուրժուական աշխարհայացքին և բուրժուական պրակտիկային — գրել է Շահումյանը, — ինչպես ինտերնացիոնալիզմը նոր ընկերավարական (սոցիալիստական) աշխարհայացքին: Ո՞վ չի հասկացել այդ, ո՞վ կարծում է, որ կարելի է ժխտել լիբերալիզմը, իմպերիալիզմը, բայց պահպանել նացիոնալիզմը, ով խոսում է «առողջ» և «անառողջ» նացիոնալիզմի մասին և փորձում է զանազան սոփեստություններով հաշտեցնել նացիոնալիզմը ինտերնացիոնալիզմի և առհասարակ ընկերավարական նոր աշխարհայացքի հետ, նա ոչինչ չի հասկացել ո՛չ լիբերալիզմից և ո՛չ այդ նոր աշխարհայացքից»¹:

Բուրժուական ինտելիգենցիան ամենից ուժեղ կերպով է հարում նացիոնալիզմին: Նա նացիոնալիզմի նկատմամբ հաճախ «ավելի արթայական է, քան արքան ինքը»: Նացիոնալիզմը ժողովրդական մասսաներին սոցիալ-դասակարգային պայքարից հեռու պահելու զենքերից է: Հայկական ազգային շարժման իդեոլոգիայի մեջ բուրժուական նացիոնալիզմը հանդես է եկել ռազմատենչ ձևով: Ազգային բացառիկությունը, պատմական հեռավոր անցյալի իդեալականացումը, ազգային սնապարծությունը, ուրիշ ազգերի նկատմամբ ատելություն տածելը և բորբոքելը, ազգը որպես մի միասնական ու միատարր օրգանիզմ ներկայացնելը, ազգի ներսում եղած դասակարգային անտագոնիզմի սքողումը, դասակարգային պայքարի մարելը, — այս բոլորը նացիոնալիզմի բնորոշ գծերն են: Հայկական բուրժուազիայի նացիոնալիզմին հատուկ է եղել նաև կոսմոպոլիտիզմը, ստորաքարշությունը Եվրոպայի իմպերիալիստների առջև, նրանցից «Հայկական հարցի» «լուծումն» սպասելը, Եվրոպայի ֆեոդալացումը, Եվրոպական կապիտալիստական ռեակցիոն քաղաքականության գովերգումը, ամերիկյան, անգլիական, ֆրանսիական, գերմանական իմպերիալիստական գիտությունների առաջ խնկարկելը, շոդոքորթելը ազգային արժանապատվության ոտնահարումը:

Ստ. Շահումյանը մերկացնելով հայ բուրժուազիայի այդ նացիոնալիզմը, պրոլետարիատից և աշխատավոր գյուղացիներից պահանջում էր համախմբվել ինտերնացիոնալիզմի դրոշի տակ:

1916 թվականից Ա. Միկոյանն ակտիվորեն աշխատակցում է «Պայքար»-ին: 1916 թվականի նոյեմբերի 27-ի համարում զետեղված «Պ. Ահարոնյանը իր լուծյան մասին» հոդվածում Ա. Միկոյանը բուլժեկյան կրքոտությամբ մերկացնում է դաշնակներին և նրանց ակտիվ գաղափարախոս Ահարոնյանին: Ա. Միկոյանը ցույց է տալիս, որ դաշնակները հայ ժողովրդի շահերի դավաճաններն են. հայ ազգի այդ ցեղերը քողարկվելով կեղծ ֆրազներով, փորձում են ժողովրդին մոլորեցնել և իրենց կողմը նվաճել: Դաշնակցական գաղափարախոս Ահարոնյանը կաշվից դուրս էր գալիս, որպեսզի հիմնավորի, որ իբր թե «հայ ազգը միատարր է», «նրա մեջ չկա ներքին անտագոնիզմ» և որ

¹ «Պայքար», № 48, 4 դեկտեմբերի, 1916:

«Հայը հայ է, ընտրյալ և մյուս ժողովուրդներից բարձր»։ Ա. Միկոյանը ջախջախելով Ահարոնյանի կոսմոպոլիտիզմն ու նացիոնալիզմը, նշել է, որ ամենքին քաջ հայտնի է, որ «...հայ ժողովուրդը ամենևին այնպիսի միաձուլյ բնական օրգանիզմ՝ անհատականություն չէ՝ զերծ ներքին պայքարից ու օժտված մի կամքով... որ հայ ժողովուրդը մյուսների մեջ բացառություն չի կազմում...»¹։ Իր հողվածում Ա. Միկոյանը զարգացնում է այն միտքը, որ պետք է անողորմաբար քննադատել, անալիզի ենթարկել մեր հասարակական կյանքը, չափել նրա մեջ գործող ուժերը, պարզել նրանց գույները և այսպիսի պատճառաբանված ու նախապատրաստված տակտիկայի միջոցով մի կողմից՝ սնունդ տալ մեր արթնացած ժողովրդի պահանջին, ազատել նրան վնասակար ֆրազեոլոգիայի ազդեցությունից, և մյուս կողմից՝ ֆրազների գերի, բայց դեմոկրատական հավակնություններ ունեցող երիտասարդության աչքերը բացել և նրան նոր ուղի հանել։ «Վրացի նացիոնալիստները և դեմոկրատիան» հողվածում Ա. Միկոյանը դատապարտում է անհատական տեռորը, այն համարելով թուլության նշան։ Հենց այսպիսի թուլության նշանները, — ասում է Ա. Միկոյանը, — տեսնում ենք վրաց նացիոնալիստական բանակում, ուստի և շնորհավորում ենք վրացի ընկերներին, որ կարողացել են պատռել նացիոնալիզմի քողը, երևան հանել նրա դասակարգային աստաղը, տոգորել ժողովրդին նրա իսկական դասակարգային շահերի պաշտպանության գաղափարով՝ ծայրահեղ լարման հասցնելով դասակարգային պայքարը և սնանկացման մատնելով նացիոնալիզմի իդեոլոգիան։

Ստ. Շահումյանը 1916 թվականի սեպտեմբերին բանտարկված էր, երբ լուր ստացավ, որ Կրասնոյարսկի քաղաքային հիվանդանոցում մահացել է իր մերձավոր ընկեր, բոցաշունչ ռևոլյուցիոներ Ս. Սպանդարյանը։ Բանտում Շահումյանը այդ առթիվ հողված գրեց, որը լույս է տեսել «Պայքար»-ի 1916 թվականի սեպտեմբերի 18-ի համարում՝ «Մեր Սուրենը» խորագրով։

Հայ բուրժուազիայի և նրա կամակատարների ռեակցիոն, հակաժողովրդական և հակահայրենասիրական քաղաքականության մերկացմանն են նվիրված «Պայքար»-ում տպագրված Ա. Մուսվեյանի, Ա. Ամիրյանի, Ա. Կարինյանի, Մ. Մելիքյանցի և ուրիշների շատ ու շատ հողվածներ։

Ա. Ամիրյանը իր «Մեր մարքսիստանմանները» ծավալուն հողվածում ջախջախիչ հարվածներ է հասցրել դաշնակցությանը, «սպեցիֆիզմին», հատկապես նրանց պարագլուխներ Բ. Իշխանյանին, Դ. Անանունին և մյուսներին։

«Պայքար»-ը քայլ առ քայլ մերկացրել է լիբերալ և բուրժուանացիոնալիստական թերթերին, դիմակազերծ արել նրանց։ Ա. Ամիրյանը հիշատակված «Մեր մարքսիստանմանները» հողվածում մերկացնելով «Մշակ»-ի շուրջը համախմբված նացիոնալիստներին՝ Բ. Իշխանյանին, Անանունին, նշել է, որ նրանք ոչինչ չունեն մարքսիզմի հետ, և «...ձգտում են մարքսիզմը միացնել մշակականության հետ։ Այդ պարոնների «ենթարկումը» «Մշակ»-ին «անդրադառնում է նրանց համար որպես պատիվ և նյութական փարթամություն»։ Անձնական տեսակետից պ. պ. մարքսիստանմանները իհարկե չափազանց «խելոք» մարդիկ են, բայց հասարակական տեսակետից դրանք տնայայման դատարկ մարդիկ են։ Դրանք հանդիսանում են, էնդելսի արտահայտությունով, «էժան մատերիալիզմի շրջիկները», մատերիալիստական վեհ ուս-

¹ «Պայքար», № 47 (51), 27 նոյեմբերի, 1916։

մունքի կեղծողները: Չարժե ամսոսալ նրանց, բայց մերկացնել նրանց անհրաժեշտ է»¹:

«Պայքար»-ի յուրաքանչյուր համարը, — Ստ. Շահումյանի բնութագրությամբ՝ մի մի կենդանի բողոք է նացիոնալիզմի և սոցիոնալիստների դեմ:

* * *

1917 թվականի հունվար-փետրվար ամիսներին ռուսական ցարիվմը բացարձակ կրիզիս էր ապրում: Բուրժուազիան նպատակ ուներ կրիզիսը լուծել պալատական հեղաշրջման միջոցով, սակայն ժողովուրդը այն լուծեց իր ձևով: Փետրվարին գործադուլային ալիքը ամբողջ երկրում ծավալվեց, ուր հասցրեց փետրվարյան բուրժուա-դեմոկրատական ռևոլյուցիայի հաղթությունը: Ռևոլյուցիան հաղթեց, որովհետև ռևոլյուցիան սկսողը հերոսական բանվոր դասակարգն էր, ուր և գլխավորում էր զինվորի շինել հազած գյուղացիների միլիոնավոր մասսաների շարժումը՝ «հանուն խաղաղության, հանուն հացի, հանուն ազատության»:

Ռևոլյուցիայի առաջին իսկ օրերին հանդես են գալիս բանվորական և զինվորական դեպուտատների Սովետները: Ռևոլյուցիայի, Սովետների, ինչպես նաև երկիշխանության հարցերը գտնվում էին բոլշևիկյան հայ պարբերական մամուլի ուղադրության կենտրոնում:

Ռոմանովների դինաստիայի ջախջախմամբ խորտակվեց նաև նրա ողորմելի հայ գրաքննիչների իշխանությունը: «Պայքար»-ն ազատվեց գրաքննիչների քմահաճույթներից և 1917 թվականի մարտի 20-ից (68-րդ համարից) դարձավ բանվորական-մասսայական ամենօրյա ազատ թերթ:

Փետրվարյան ռևոլյուցիայից հետո թերթը՝ մերկացնելով համաձայնողական պարտիաների՝ մենշևիկների ու էսեռների դիմադրությունը, պաշտպանում էր բուրժուա-դեմոկրատական ռևոլյուցիայից սոցիալիստական ռևոլյուցիային անցնելու բոլշևիկյան լուղունգը:

Ա. Միկոյանը «Պայքար»-ում տպագրած իր «Ժամանակավոր կառավարությունը և հեղափոխական դեմոկրատիան» հոդվածում հայ աշխատավորությանը պարզաբանում է փետրվարյան ռևոլյուցիայի արդյունքները, ստեղծված երկիշխանության՝ բանվորական և զինվորական դեպուտատների Սովետների ու կոնտրռևոլյուցիոն ժամանակավոր կառավարության քաղաքականությունը: Բանվորական և զինվորական դեպուտատների Սովետները, — գրել է Ա. Միկոյանը, — ռևոլյուցիայի շարժիչ ուժերն են, բանվորների և զորքի կամքի արտահայտիչները, որի հետևում կանգնած է Ռուսաստանի ազգաբնակչության խոշոր մեծամասնությունը, իսկ երկրորդը՝ ժամանակավոր կառավարությունը՝ իր կազմով և ձգտումներով կոնտրռևոլյուցիոն է, բուրժուազիայի շահերի պաշտպանը, որը ոչ միայն չի մասնակցել ռևոլյուցիային, այլև ամեն կերպ աշխատել է խեղդել այն իր բնի մեջ:

Երկիշխանությունը չէր կարող երկար գոյություն ունենալ: Անհրաժեշտ էր տապալել ժամանակավոր կառավարությունը, որպես ծայրահեղ ռեակցիոն կառավարություն, և իշխանությունն ամբողջովին հանձնել բանվորական և զինվորական դեպուտատների Սովետներին: «Ուրիշ որևէ իշխանություն, — գրում էր Ա. Միկոյանը, — բացի բանվորների, զինվորների և գյուղացիների խորհրդներից, չէր կարող կատարել այն պատասխանատու դերը, որ դնում է ներկա

¹ «Պայքար», № 39 (43), 25 սեպտեմբերի, 1916:

հեղափոխությունը նրա վրա: Սպասենք և պատրաստվենք հեղափոխության զարգացման երկրորդ էտապին»¹:

Փետրվարյան բուրժուա-դեմոկրատական ռևոլյուցիայից հետո «Պայքար»-ը նյութեր էր զետեղում «Հեղափոխությունը Ռուսաստանում», «Ռուսաստանի մեծ հեղափոխությունը» և այլ ընդհանուր խորագրի տակ: Քաղաքական դրությունը և մոմենտի պահանջները² առաջնորդող հոգվածում թերթը հաղորդում էր, որ ցարական կառավարությունը տապալված է և հարկավոր է բոլոր միջոցներով օգնել Պետրոգրադի բանվորների և զինվորների դեպուտատների Սովետին: Դրանից մեկ օր հետո «Պայքար»-ը տպագրում է ՌՍԴԲՊ Կովկասյան շրջանային Կոմիտեի կողմը՝ ուղղված ազգաբնակչությանը և զորքին:

«Քաղաքացիներ,— ասված է այդ կոչում,— բանվորների հեղափոխական զորքի ընդհանուր ուժերով հին պետական կարգերին վճռական հարված է հասցված:

Փափք ու պատիվ հերոսներին, 1905 թվականի մեծ հեղափոխության մարտիկներին, որոնք փտած բյուրոկրատական շենքի անկումը պատրաստեցին:

Փափք ու պատիվ Պետրոգրադի և Մոսկվայի բանվորներին ու այն օֆիցերներին և զինվորներին, որոնք 1905 թվականի հաղթած ուղիով գնալով, հուլիսի 3-ի ռեժիմին մահացու հարված հասցրին...

Կեցցե՛ բանվորների և զինվորների պատգամավորական խորհուրդները:

Կեցցե՛ հիմնադիր ժողովը»³:

Ա. Միկոյանը, Ա. Մռավյանը, Ա. Ամիրյանը, Շավարշ Գարազաշը և ուրիշներ «Պայքար»-ի էջերից իրենց կրակոտ հոգվածներով մերկացնում էին ժամանակավոր ռեակցիոն կառավարության քաղաքականությունը, հայ աշխատավորությանը կոչ անում՝ համախմբվել բանվորների ու զինվորների դեպուտատների Սովետների շուրջը, օգնել ռևոլյուցիան հասցնելու իր հաղթական վախճանին: «Պայքար»-ի 1917 թվականի հունիսի 6-ի համարում Ա. Մռավյանը «Մինիստր Կերենսկին» հոգվածում բացահայտելով ժամանակավոր կառավարության և նրա ղեկավարների դավաճանությունը, գրել էր, որ Կերենսկին ռուսական իմպերիալիստական բուրժուազիայի մինիստրն է, ուրեմն հեղափոխական ժողովրդի հակառակորդն ու թշնամին:

«Պատմական նոր դարաշրջանը» խմբագրական հոգվածում, որը տպագրվել է 1917 թվականի մարտի 25-ին, թերթը հանգամանորեն խոսում էր ռուսական երկրորդ ռևոլյուցիայի վիթխարի նշանակության մասին, ռևոլյուցիա, որը օրեցօր ընդարձակում, նոր և անսահման հորիզոններ էր բացում մարդկության առաջ: Ռուսաստանի ռևոլյուցիան, — գրում է «Պայքար»-ը, — միջազգային դեմոկրատիայի համար ամենայայն ասպարեզներ է բացում, չկա այլևս «Եվրոպայի ժանդարմ» ցարական կառավարությունը, «...Բոլոր... երկրները պետք է Ռուսաստանի օրինակին հետևեն»:

* * *

«Պայքար»-ը մեծ տեղ էր տալիս գրականության և արվեստի հարցերին, սխտեմատիկաբար տպագրում էր բանաստեղծություններ, արձակ երկեր, գրա-

¹ «Պայքար», № 20 (75), 7 մայիսի, 1917:

² Նույն տեղում, № 9 (64), 5 մարտի, 1917:

³ Նույն տեղում, № 10 (65), 9 մարտի, 1917:

քննադատական հոդվածներ, գրախոսություններ, անոտացիաներ: Գրականագիտական հոդվածներում զգալի տեղ էր գրավում պայքարը՝ բուրժուա-նացիոնալիստական և անկումային-դեկադենտական գրականության դեմ, հանուն գրականության պարտիականության և ժողովրդայնության, հանուն պրոլետարական գրականության՝ զարգացման, գրական ժառանգության բուլղարիկյան գնահատման:

«Պայքար»-ի շուրջը համախմբված գրողներն ու գրականագետները՝ Հ. Հակոբյանը, Հ. Կամարին, Ան. Վարդանյանը, Արագին և ուրիշներ իրենց ստեղծագործություններով ոգևորում էին հայ ընթերցողներին, փառաբանում բանվոր դասակարգին: Չկա թերթի մի համար, որի էջերում զետեղված չինեն գրականագիտական-գեղարվեստական նյութեր:

* * *

«Պայքար»-ը լեգալ լինելով հանդերձ, հաճախ գրում էր եզեպոսյան լեզվով. արգելված էր նրա էջերում գործածել «սոցիալ-դեմոկրատիա», «հետևողական դեմոկրատիա» և այլ բառերը, արգելված էր գրել պատերազմի մասին: Թերթի աշխատողները, ունենալով անլեգալ բուլղարիկյան թերթ վարելու հարուստ փորձ, լրագրային զանազան ժանրի նյութերի միջոցով բանվորների հետ խոսում էին նրանց հասկանալի լեզվով: Առաջնորդող, խմբագրական հոդված, թղթակցություն, նամակ, ֆելետոն, գեղարվեստական ակնարկ, գրախոսություն, ինֆորմացիա, հրապարակախոսական հոդված, մամուլի տեսություն, այս բոլորն օգտագործվում էին բուլղարիկյան գաղափարները բանվորներին հասցնելու համար:

«Պայքար» թերթի բուլղարիկ հրապարակախոսները՝ օգտագործելով բանվորական-կոմունիստական մամուլի հարուստ փորձը, առաջնորդող հոդվածներում հստակ ուղղություն էին տալիս ընթերցողներին, պայքարի կոչում բանվորներին, գյուղացիներին, օգնում նրանց ճիշտ կողմնորոշվելու պատերազմի և ռևոլյուցիայի հարցերում: Հատկապես լավ են գրված «Մեր հակառակորդները» (№ 15 (19), 1916 թ.), «Իրար արժեք» (№ 26 (30), 1916 թ.), «Որոշումների երկիր» (№ 32 (36), 1916 թ.), «Պատմական նոր դարաշրջան» (№ 13 (68), 1917 թ.), «Ողջուն «Բրձուլա»-ին» (№ 41 (96), 1917 թ.) և այլ առաջնորդողներ: «Որոշումների երկիր» առաջնորդողում թերթը սուր քննադատության էր ենթարկում ցարական կառավարության քաղաքականությունը, նշում, որ կառավարությունը ժողովրդի աչքերին թող փչելու համար անվերջ որոշումներ, օրենքներ էրնդունում, և նույնպիսի արագությունը էլ մոռանում դրանց իրականացումը: Թերթը պահանջում էր մասսաներից՝ ակտիվ մասնակցություն ունենալ քաղաքական կյանքին, չհավատալ կառավարության կեղծ խոստումներին և պայքարով նվաճել իր իրավունքները, պաշտպան կանգնել իր շահերին: Ճիշտ է, փշոտ է այդ ճանապարհը և կապված բազմաթիվ դժվարությունների հետ, — գրում է թերթը, — բայց մինչև ինքը՝ ժողովուրդը հասարակական գործունեության ասպարեզ դուրս չգա, նրա մասին ցարական կառավարությունը երբեք չի մտածի և նրան կհուսադրի դատարկ որոշումներով:

«Պայքար»-ի առաջնորդողների թեմատիկան բազմազան էր, քաղաքական-հասարակական հարցերից մինչև տնտեսական խնդիրներ, ժողովուրդների բարեկամության, պրոլետարական ինտերնացիոնալիզմի պրոպագանդայից մինչև բուրժուական նացիոնալիզմի ու նացիոնալիստների մերկացում: Փետրվարյան ռևոլյուցիայից հետո թերթը հատուկ տեղ էր տալիս «Ամբողջ իշխանու-

թյունը Սովետներին» լուզունգի պարզաբանմանը, աշխատավորներին մոբիլիզացնում ունոյուցիայի առաջին էտապից երկրորդին անցնելու համար:

«Պայքար»-ը մեծ տեղ էր տալիս աշխատավորական նամականերին, թղթակցություններին: Բանվորներն իրենց նամականերում պատմում էին, թե ինչ հոգսեր ունեն, ինչ են ցանկանում իրենց օրգանից:

Քաղաքական նպատակասլացությամբ են հագեցված Մ. Մելիքյանցի նամակաները («Բանվորի զրույցները»), որոնք վառ պատկերացում են տալիս Բաքվի պրոլետարիատի հերոսական պայքարի մասին:

Թերթի առաջին համարը լույս տեսնելու տարեդարձի օրը բազմաթիվ շնորհավորական և ողջույնի նամականեր ու թղթակցություններ են ստացվել բանվորներից: Նրանցում շնորհակալություն էր հայտնվում խմբագրությանը՝ այն մեծ օգնության համար, որ թերթը ցույց էր տալիս աշխատավոր ժողովրդին: 1916 թվականի դեկտեմբերի 11-ի № 49-ում զետեղված «Մի տարի» խորագրով առաջնորդողում քննարկվում էր թերթի մեկ տարվա կատարած աշխատանքը հայ իրականության մեջ, ցույց էր տրվում, թե նա ինչպես է օգնել պրոլետարիատին ու աշխատավոր գյուղացիությանը՝ նրան սոցիալիստական գիտակցականության բերելու գործում: «...Հայ իրականության մեջ «Պայքար»-ը ունեցել է իր առանձին դեմքը, — ասված է առաջնորդողում: Ներկա համաշխարհային պատերազմն իր բազմաթիվ ավերումների հետ միասին ընդհանուր շփոթ առաջ բերեց և դեմոկրատական շարքերում, սակայն, «Պայքար»-ը հավատարիմ (երկու տող գրաքննության կողմից հանված է) սկզբունքներին, մնաց այն սակավաթիվների շարքում, որոնց ոչ մի արտաքին ուժ, ոչ մի ժամանակավոր շփոթ չէր կարողացել հանել իրենց սեփական դիրքերից...»

«Պայքար»-ը աշխատել է հնարավորության սահմաններում զարգացնել հայ ժողովրդի քննադատական միտքը, վերագնահատման ենթարկել անցյալը, պարզել կատարվածի իսկական արժեքը:

— Կռիվ նացիոնալիստական մղձավանջի դեմ, համերաշխություն դեմոկրատիայի միջև, — ասու «Պայքար»-ի գլխավոր խնդիրներից մեկը, գրում է «Պայքար»-ը: Մոսկվայից ուղարկված նամականերից մեկում ասված է. «Ողջույն «Պայքար»-ին, միակ լուսատու աստղին հայկական մթին իրականության մեջ: Հայ միջազգային դեմոկրատիան երբեք չի մոռանա այն մեծ գործը, որ սկսել եք դուք: Իսկ հայ պրոլետարիատը մասնավորապես՝ միշտ մեծ հարգանքով կհիշի այն մարդկանց անունը, որոնք «Պայքար»-ի միջոցով օգնեցին նրան՝ միանալ միջազգային պրոլետարիատին: Ողջո՛ւյն, ուրեմն, Ձեզ ու հաջողություն...»¹:

Բանվորները, աշխատավոր գյուղացիները «Պայքար»-ը իրենց հարազատ թերթն էին համարում, անհամբեր սպասում նրա յուրաքանչյուր համարին:

Իր գոյության ընթացքում «Պայքար»-ը բանվորական շատ թղթակցություններ և նամականեր է տպագրել Երևանից, Թիֆլիսից, Բաքվից, Ալավերդուց, Ալեքսանդրապոլից, Ղափանից և Հայաստանի այլ վայրերից:

Էջմիածնի Գևորգյան ճեմարանի մի խումբ ուսանողներ և

¹ «Պայքար», № 3 (58), 22 հունվարի, 1917:

աշակերտներ 1916 թվականին ուղարկելով իրենց ողջունը «Պայքար»-ին գրել են. «Համախմբվենք «Պայքար»-ի շուրջը, աջակցենք նրան, որովհետև նա մերն է, պայքարենք միասին, ապագան էլ մերն է»։ «Պայքար»-ին նյութական օգնություն են ցույց տվել Անդրկովկասի բազմազգ պրոլետարիատի ներկայացուցիչները՝ հայեր, ռուսներ, վրացիներ, ադրբեջանցիներ։

Բաքվում Ստ. Շահումյանի խմբագրությամբ հայերեն լեզվով լույս տեսնող «Սոցիալ-դեմոկրատ» թերթը մայիսի 14-ի № 3-ում «Ողջուն «Պայքար»-ին» հոդվածում նշում է, թե մայիսի 9-ից այն դարձել է օրաթերթ, որը հայ բանվորության խոշոր հաղթությունն է։ Խոսելով «Պայքար»-ի հանդես գալու և նրա խնդիրների մասին, «Սոցիալ-դեմոկրատ»-ը գրում է. «Հրապարակ գալով Ադամամուծին, «Պայքար»-ը եղավ այն կանթեղը, որ լույսի շող ձգեց հայկական համատարած խավարի մեջ»։

Հայ բանվորությունը և բոլոր նրանք, որ շնչել են բանվորական օդը, չեն կարող մոռանալ այն բացառիկ պատմական դերը, որ կատարել է «Պայքար»-ը Կովկասյան իրականության մեջ»։

«Մամուլ» խորագրի տակ «Պայքար»-ը Անդրկովկասի մարքսիստական թերթերի էջերից ծավալուն քաղվածքներ էր տպագրում, պատմում նրանց նյութերի բովանդակությունը։ 1917 թվականի մայիսի 4-ին Թիֆլիսում վրացերեն լեզվով լույս տեսավ բոլշևիկյան «Բրձուլա» («Պայքար») թերթի առաջին համարը։ «Պայքար»-ը ողջունում է նոր թերթի երևան գալը, հայ ընթերցողին ծանոթացնում նրա ուղղության ու բովանդակության հետ։ 1917 թվականին «Բրձուլա»-ն ջանում է հավատարիմ մնալ 1901—1902 թվականների անլեգալ մարքսիստական «Բրձուլա»-ի սկզբունքներին։ Հին «Բրձուլա»-ի գրաշարներ Թեոդորիան և Վլ. Դումբաձեն, որ աշխատանքի էին անցել նոր, լեգալ «Բրձուլա»-ում, գրել են. «Մենք աշխատել ենք անլեգալ «Բրձուլա»-ի վրա, տանջվել ենք, խոնավ ջրհորներից անցկացրած թունելների միջոցով պրոլետարական ազատ խոսք ենք հյուսել, լույս աշխարհ հանել. այժմ արժանանում ենք այդ նույն «Բրձուլա»-ն ազատ կարգերում լույս ընծայել. մեծ է մեր հրճվանքը, մեծ է մեր տոնը և չենք կարող չողջունել «Բրձուլա»-ի երևան գալը»։

«Պայքար»-ը իր ընթերցողներին հիշեցնում է, որ դրանք այն գրաշարներն են, այն «անհայտ հերոսները», որոնց երախտապարտ ենք նաև մենք, դրանք այն գրաշարներն են, որոնք հայերեն չիմանալով, ընդհատափում հայերեն լեզվով պրոլետարական գրականությամբ հեղեղում էին Անդրկովկասի հայաբնակ վայրերը։

*
*
*

«Պայքար»-ի խմբագրական կազմը միատարր չէր. նրան մասնակցում էին նաև մենշևիկ-ինտերնացիոնալիստները։ Փետրվարյան ռևոլյուցիայից հետո, երբ մենշևիկները, էսենները կանգնել էին ժամանակավոր ռեակցիոն կառավարության պաշտպանության դիրքերում, Վ. Ի. Լենինը իր «Նամականեր հեռվից» և Ապրիլյան թեզիսներով կոչ արեց բուրժուա-դեմոկրատական ռևոլյուցիայից անցնել դեպի սոցիալիստական ռևոլյուցիան։ Բոլշևիկները և մենշևիկների միջև եղած սկզբունքային խոր տարածանություններն իրենց արտահայտությունը գտան «Պայքար»-ի շուրջը համախմբված բոլշևիկների և մենշևիկների միջև։ Մենշևիկները ռևոլյուցիայի հարցերում կանգնած էին օպորտունիստական դիր-

քերի վրա: Մենշևիկները 1917 թվականի հուլիսից սկսած բացահայտ կերպով հակաբոլշևիկյան գիծ են վարում: Նրանք ուժեղացնում են իրենց ազդեցությունը և ի վերջո զավթում խմբագրական ղեկավար պոստերը: Բոլշևիկները գտնելով, որ այլևս անհամատեղելի է մենշևիկների հետ աշխատել միևնույն օրգանում, հեռանում են թերթից: Հունիսի 16-ին, «Պայքար»-ում լույս է տեսնում բոլշևիկների բաց նամակն՝ ուղղված ընթերցողներին և պարտիականներին: «Մենք «Պայքար»-ի խմբագրական կազմի մեծամասնական (բոլշևիկ) անդամներս և աշխատակիցներս, — ասված էր նամակում, — անկարող լինելով այսուհետև աշխատել... մենշևիկների հետ, հեռանում ենք թերթից: Մեր և մենշևիկների միջև եղած տարաձայնությունները այժմ կրում են ոչ միայն տակտիկական, այլև սկզբունքային-ծրագրային բնույթ»: Այնուհետև նշվում է, որ այդ տարաձայնությունները հատկապես դրսևորվում են ժամանակավոր կառավարության, պատերազմի և այլ հարցերի գնահատման գործում: «Մենք հեռանում ենք, — ասված է նամակում, — համոզված, որ Բուսաստանի մեծ հեղափոխությունը ավելի քան Լորեից պարտք է դնում պրոլետարական կուսակցության վրա, թոթափել իր ուսերից մանր-բուրժուական և կցորդ տարրերը, որ գոյություն ունենին մեր կուսակցության մեջ»:

«Պայքար» թերթից հեռացող բոլշևիկները իրավացի կերպով ցույց էին տալիս, որ մենշևիկները գլորվել են «պաշտպանողական» օպորտունիստական ճահիճը, բացահայտորեն դավաճանում են ռևոլյուցիայի, պրոլետարիատի ազատագրական մեծ գործին:

Նամակն ստորագրել էին Ստ. Շահումյանը, Ա. Մռավյանը, Ս. Խանոյանը, Ա. Ամիրյանը, Մ. Մելիքյանցը, բանվոր Գարագաշը, Հ. Կամարին, Ա. Կարինյանը, Հ. Հակոբյանը, Գ. Հայկունին, Ան. Վարդանյանը, Սիմակը, Հովհ. Պողոսյանը և ուրիշներ:

Թերթի մենշևիկյան խմբագրությունը նույն համարում տպագրել է «Մեր պատասխանը» երկարաշունչ հոդվածը, որի մեջ փորձում էր արդարացնել մենշևիկներին, մեղքը գցել բոլշևիկների վրա: Բայց իզուր: Փաստը կատարված էր, մենշևիկների դավաճանությունը ակնհայտ էր: Բոլշևիկները ստեղծեցին իրենց օրգանները. Թիֆլիսում՝ «Բանվորի կոիվը», Ալեքսանդրապոլում՝ «Նոր կյանքը», որոնք խոշոր դեր կատարեցին Հոկտեմբերյան սոցիալիստական Մեծ ռևոլյուցիայի նախապատրաստման և իրագործման շրջանում:

Այսպիսով, «Պայքար»-ը իր առաջին էտապում, մինչև 100-րդ համարը, ուներ բոլշևիկյան ուղղություն, այն ճշմարտություն էր քարոզում և փարոսի պես լառվելով լուսավորում հայ կյանքի մթին խավարը: «Պայքար»-ը երկրորդ էտապում, 100-րդ համարից հետո, ուներ մենշևիկյան ուղղություն, այն օպորտունիզմի օրգան էր, որը փորձում էր հայ աշխատավորությանը շեղել իր նպատակից, հեռու պահել նրան սոցիալիստական ռևոլյուցիայի համար մղվող պայքարից: Բանվորներն ու գյուղացիները շուտով երես դարձրին «Պայքար»-ից և ետանդուն աջակցություն ցույց տվին բոլշևիկյան նոր հրատարակություններին: «Պայքար» թերթը արժանավոր տեղ է գրավում Անդրկովկասի բուրժուական մամուլի պատմության մեջ: